

Euskal Herriko Ahotsak
ahotsak.com

Ander Goikoetxea Vazquez

*Lekeitio
Bizkaia (1990)*

Aurkibidea



Biografia



1990eko azaroaren 30ean Lekeition jaioa, bertan bizi izan da beti, eta bolada batez Bilbon, ikasketak egin bitartean. Lekeitiarrak ditu gurasoak eta arreba bat du, bera baino zaharragoa. Pilotan jokatu izan du urte askotan, eta elkarrizketa egin genion garaian hurrei erakusten eta entrenatzaile lanetan aritzen zen. irakasle-ikasketak eginak ditu, bai Lehen Hezkuntzari eta bai Haur Hezkuntzari dagozkionak. Haurren udalekuak antolatzen eta begirale lanetan ere aritu izan da. Lekeitioko hainbat kontu, euskara, hezkuntza eta beste ditu mintzagai, Irati Seijo herritarrarekin egin genion elkarrizketan.

Zintak

LEK-076

- **Proiektua:** Gazte gara gazte
- **Elkarrizketatzailea(k):** Errazkin, Aitor
- **Data:** 2014-12-24
- **Iraupena:** 90 min
- **Euskarria:** Bideo digitala
- **Kodifikatzailea:** Errazkin, Aitor

LEK-078

- **Proiektua:** Gazte gara gazte
- **Elkarrizketatzailea(k):** Errazkin, Aitor
- **Data:** 2014-12-24
- **Iraupena:** 10 min
- **Euskarria:** Bideo digitala
- **Kodifikatzailea:** Lado, Oihana

Pasarteak

1. Gaztetxearena, gai korapilatsua I

- **Erref:** LEK-076/004
- **Iraupena:** 0:03:45. **Hasi:** 00:04:56. **Bukatu:** 00:08:41
- **Multimedia:** bideoa online ikusgai

Gaia(k):

Laburpena:

Herriko koadrilen arteko harreman eskasari irtenbide bat emateko eta neguan gazteek biltzeko toki fisiko bat izan zezaten sortu zen gaztetxea Leikeition. Baina bilakaera korapilatsua izan du proiektuak, okupazio saioak, epaiketak eta negoziazio saioak tarteko. Anderrek eta Iratik azaltzen dute zer izan den eta zertan den gaur egun.

2. Gaztetxearena, gai korapilatsua II

- **Erref:** LEK-076/005
- **Iraupena:** 0:05:36. **Hasi:** 00:08:41. **Bukatu:** 00:14:17
- **Multimedia:** bideoa online ikusgai

Gaia(k):**Laburpena:**

Herriko koadrilen arteko harreman eskasari irtenbide bat emateko eta neguan gazteek biltzeko toki fisiko bat izan zezaten sortu zen gaztetxea Leikeition. Baina bilakaera korapilatsua izan du proiektuak, okupazio saioak, epaiketak eta negoziazio saioak tarteko. Anderrek eta Iratik azaltzen dute zer izan den eta zertan den gaur egun.

3. Udako Lekeitio eta negukoa

- **Erref:** LEK-076/007
- **Iraupena:** 0:04:36. **Hasi:** 00:15:09. **Bukatu:** 00:19:45
- **Multimedia:** bideoa online ikusgai

Gaia(k):

- Familia eta harremanak » Herriko giroa
- Aisia » Oporrak

Laburpena:

Lekeitiar asko herritik kanpora ikasi eta lan egiten du. Hori dela eta, neguan bizi gutxi izaten da astean zehar. Asteburutan eta udan izaten da giroa Leikeition, Aste Santuko oporraldiarekin pixkana hasi eta iraila bitarte.

4. Lehengo eta egungo "beraneantiak"

- **Erref:** LEK-076/008
- **Iraupena:** 0:07:01. **Hasi:** 00:19:45. **Bukatu:** 00:26:46
- **Multimedia:** bideoa online ikusgai

Gaia(k):

- Familia eta harremanak » Herriko giroa
- Aisia » Oporrak
- Euskara » Euskararen egoera

Laburpena:

Lehengo beraneanteak egungoak baino gehiago integratzen omen ziren herrian. Ander eta Iratiren esanetan, bada turista mota bat, Leikeition etxebizitza erosita duen diruduna (orokorrean), udan Lekeitiora joan eta herriko nagusi dela uste duena. Euskararen erabilera asko jaisten da udan.

5. Bi kanpotar mota

- **Erref:** LEK-076/009
- **Iraupena:** 0:02:19. **Hasi:** 00:26:46. **Bukatu:** 00:29:05
- **Multimedia:** bideoa online ikusgai

Gaia(k):

- Familia eta harremanak » Herriko giroa
- Aisia » Oporrak

Laburpena:

<p>Giro euskaldun baten bila eta Lekeitio errespetuz ezagutzera datorren turista begi onez hartzen dute Anderrek eta Iratik. Horietako batzuk bertako kuadrilletan integratzen dira. Eta badira euren kuadrillak osatzen dituzten beraneanteak.</p>

Transkripzioa

- Ander: Baiña, bueno, ni -[lehen esan dotena]- bueltatu bihar gara lehengo... lehen, ez dakit lehen zelan zan, e? Baiña behintzat jente hori euskeraz edo Lekitxoko ohituretara egokitzen. Eta hori ez da...
- Irati: Bai. Gero ez dou esan, baiña bai dou bereizten -osea- bi kanpotar mota.
- A.: Bai, bai, bai.
- I.: Osea, dira batzuk -ontxe arte komentaten egon garena- ba bigarren etxebizitzia ta hamen "a todo..." hor. Eta gero dao beste beraneante batzuk igual nik azkan urtitan igarten dotela gehixo dizela datozenak giro euskaldun batera, datozenak beste herri batera, hori errespetata, hamen sartzen, hamendik ikasten... Ez?
- A.: Bai, gero kuadrilletan be badauz batzuk. Adibidez, gure kuadrillan badauz beraneante bi. Beste... Iratin kuadrillan be egongo dia beste batzuk.
- I.: Bai, kuadrilla gehixenetan.
- A.: On, jente horrek bai. Horrek... gure kuadrillakuak euskera hutsin eitten dou berba beti eta... ba bueno. Baiña nik ikusten dotena be bai da beste batzuk itten dizela integra kuadrillara ta Lekitxoko realidadera, baiña ez euskeraz bizitxera. Ta hori fenomenua be bai da emoten, e.
- I.: Bai eta gero jente asko integraten da bertoko kuadrilletan, baiña gero beste askok euren kuadrillia sortzen dabe.
- A.: Baitta baitta.
- I.: Kuadrilla pillo bat dauz beraneantien kuadrillak. Edo, adibidez...osea, Lekitxon kuadrillen terminua mugatzen da potiña euki, antzarretan urteteko potiña euki, edo ez. Ta, orduan, ba, bai, beraneante batzuk juten dira ba beste herriko jente batzuekin ba potiñian edo kuadrillan udan zihar, baiña gero dao potin asko dizenak beraniantien kuadrillak.
- A.: [Ta horrek urtetan dabe beti azkanak].
- I.: [...] beti azkan.
- A.: "[Zuek azkan]; gu lehenengo ta zuek [azkan]. Denpori bada, zuek azkanak, bestelan, ba, ez dozue urtetan". Hori be askotan badaukau hori... ba bazterterteko joeria -esan dozuna-, ba, lehenen lekixarra ta gero bestia. Igual hori be ez dao ondo ta hori be igual aldatu in biharko dou hori ohituria. Helduko da eguna, joe, esaten dozuna "hulan be ezin dou bixi", baiña bueno... holan da.
- I.: Bai, gero asko kitikaten dou, e, baiña...
- A.: Bai, geu be ez gara asko hurbiltzen...
- I.: Baiña udan hona nahi ixaten dou etorri edo nahi ixaten dou /ixateu/ hamen geratu horixe daolako, bestela ez giñen hamen geratuko.

- A.: Klaro, bai, bai.
- I.: Ordun... Osea, Lekitxon badao joeria "beraneantiak... beraneantiak... Bilborratak", baiña gero danok barrutik esaten dou: eskerrak udan hauxe daola, bestela...

6. Lekeitiar izaera I

- **Erref:** LEK-076/011
- **Iraupena:** 0:03:06. **Hasi:** 00:29:28. **Bukatu:** 00:32:34
- **Multimedia:** bideoa online ikusgai

Gaia(k):

- Familia eta harremanak » Herriko giroa » Herriaren nortasuna
- Familia eta harremanak » Herriko giroa

Laburpena:

Anderrek dio nortasun handiko herria dela Lekeitio. Irati ados dago, eta horri eustearen aldekoa da, baina harrokeriarik gabe.

7. Lekeitiar izaera II

- **Erref:** LEK-076/012
- **Iraupena:** 0:05:09. **Hasi:** 00:32:34. **Bukatu:** 00:37:43
- **Multimedia:** bideoa online ikusgai

Gaia(k):

- Familia eta harremanak » Herriko giroa » Herriaren nortasuna
- Familia eta harremanak » Herriko giroa

Laburpena:

Lekeitiarrari kosta egiten zaio, orokorrean, beste herritako jendearekin harremantzea. Eta berdin kanpotik Lekeitiora bizitzera etortzen den jendearekin. "Lekeition integratzea urtetako prozesua da". Lekeition behin Santa-eskean atera ziren donostiarraren eta iruindarraren anekdota kontatzen du Anderrek. Herritik kanpora irtendakoan ere, lekeitiarrak argi utzi ohi du nongotarra den.

8. Antzar Eguna

- **Erref:** LEK-076/014
- **Iraupena:** 0:07:36. **Hasi:** 00:38:04. **Bukatu:** 00:45:40
- **Multimedia:** bideoa online ikusgai

Gaia(k):

- Aisia » Jai-giroa » Herriko ospakizunak

Laburpena:

<p>Lekeitioko Antzar Egunean ez dago adostasunik gomazko antzarra eta hildakoa erabili nahi dutenen artean. Anderrek eta Iratik gaiaren gaineko iritzia ematen dute, eta egoerak berak biziarazi dizkien bizipen zenbait kontatzen.</p>

Transkripzioa

- Ander: On gabiz kuadrillan... burruka hori aurten goleadiaaittik galdu dot,

adibidez. Nik... bueno, nik esan neban nik uste dotela /usteotela/ antzar egunin ondo pasateko, ia zer bihar doun, ez? Gomazko antzarra ixan edo benetako antzarra ixan, ia aldatuko balitzateke zeozer gure jaixen ikuspegi hori, ez? ba jaixak bizitxeko modua. Ta jentik esaten dau "Ez, baiña nik ez dot nahi kanbixa". Ta nik esaten neban: joe, ba, ez dakit /eztait/ nik, igual txipa aldatu bihar dou eta ostra! torerun kontra bagaoz, hamen be igual... Baiña beti topaten dabe -nire kuadrillan behintzat beti topaten dabe- argumento bat [...]. Ta nik esan neban: "Bueno, ez badozue nahi hori ikusi....". Ein gendun bozkaketia ta ez dakit /eztait/ 14 kontra bi edo galdu neban ta ixilik. Baiña, bueno. Hor badaoz kuadrilla batzuk erabaki hori hartu dabenak eta nik esango neban horrek ausartak ixan dirazela eta, ganera, jente horrerri alde batzutatik in jakezela... Jo, ni gogoratzen naz zozketia bera ein zan egunian, zenbakixak eta zenbagarren doian bakotxa esateko ta, komenta eitten zan "ba honek gomazko antzarra [...]" ta jente batek txistu ta dana ein eutsen jente horrerri.

- Irati: Eske hori be ixaeriaz lotuta egongo da. Balorien aldaketia hamen oso.... bai.

- A.: Bai, hor tradiziñoien kontura doia. Ta nik, adibidez, nik etxian be nik eta arrebik, ba, normal, natural pentsaten gendun txo, ba, gomazku bada gomazku da. Osea, aldatu ein bihar da ohitturia. Osea, nik esaten neban kuadrillan be bai: "On dala 20-30 urte antzarrak bixirik euazan ta on hilda dao. Ta hori aldaketia ondo ikusten dozue eittia?", "Bueno, baiña ohitturak aldatu ein biher [...] dira denporiaz", "Ba hau be aldatu biherko da /bikoda/ denporiaz! Atrebitzen bazarie, ipini bixirik". Nik esaten neban: "Tradiziñoien alde ta kulturin alde -bueno, kulturi ez da-, tradiziñoian alde daon horrek bazarie, antzarra bixirik ipiniko dou /ipinikou/. Ta listo. Tradiziñoia horixe zan benetakua. Eta andrak ez dira etorriko; hara jungo gara mutilak, antxiñako modura".

9. Antzar Egunaren antolakuntza

- **Erref:** LEK-076/015
- **Iraupena:** 0:01:23. **Hasi:** 00:45:40. **Bukatu:** 00:47:03
- **Multimedia:** bideoa online ikusgai

Gaia(k):

- Aisia » Jai-giroa » Herriko ospakizunak

Laburpena:

Herriak herriarentzat antolatzen duen jaia da Antzar Eguna.

10. Batxilerra ikastera Lekeitiotik kanpora

- **Erref:** LEK-076/019
- **Iraupena:** 0:04:01. **Hasi:** 00:54:55. **Bukatu:** 00:58:56
- **Multimedia:** bideoa online ikusgai

Gaia(k):

- Ohiturak eta bizimodua » Hezkuntza » Eskola

Laburpena:

Lekeitioko BHI herrian izan arren, batxilerra ikasteko garaia heldu eta ikastolako ikasle askok herritik kanpora jo izan du, beste zentro baten bila. Iratik eta Anderrek joera horiek nola bizi izan dituzten eta gaur egun nola bizi dituzten kontatzen dute.

11. Eskoleroak eta ikastoleroak

- **Erref:** LEK-076/020
- **Iraupena:** 0:04:23. **Hasi:** 00:58:56. **Bukatu:** 01:03:19
- **Multimedia:** bideoa online ikusgai

Gaia(k):

- Ohiturak eta bizimodua » Kontakizunak eta sinesmenak » Anekdotak, kontakizunak
- Ohiturak eta bizimodua » Hezkuntza » Eskola

Laburpena:

<p>"Eskoleroen" eta "ikastoleroen" arteko pikeak askorako ematen omen du. Txisteak, irainak, anekdotak... Denetik omen da. Anderrek eta Iratik horietako batzuen berri ematen dute.</p>

Transkripzioa

- Eta bai? bueno, umore gai bezela hartzeraiño edo txistiak bere hortan ere egiteraiño? Ez, txisteak ez dituzute egiñak eukiko ikastoleroen eta eskoleroen...

- Ander: Ba, adibidez, bat dao oso ona dana. Bueno oso ona edo... ba guretzako, ikastolakuntzako, zana kriston -ez?-... ["as en la manga" esaten] daben modura, ba, lehen karnabalak ospatzen zirinian Lekitxon, ba, joe, ikastolatik itten zan kriston prestakuntzia. Super serixo hartzen zan: ba antzerki bat eitten da...

- Irati: Herriko frontoian...

- A.: ... herriko frontoian, jostunak dao trajik eitten... [...] eitten dabezenak ta kurrada eitten da. Ta eskolan saso baten, ba, urte bat kuadra zan, uste dot behin izan zan ein ebela /eibela/, ba, askok urten eben ba basurako boltsakin eindako dsifrazakin. Ta ya hortik, behin itten dozunian, ya badakizu zer dan hori...! Osea, ya Lekitxon, ganera, behin eitten badozu hori, bixi guztian [ein bazendun moduan zan]. [...]. Orduan beti da, karnabalak allegaten dizenin eskoletakuari beti bronki, brometan, ez? "ze aurtan be basura poltsiaz urtengo zarie?" Beti, urtero-urtero-urtero-urtero. Eta eon dira... eon dira disfrazak be Lekitxon, jentiak, eskolero jantzitta, ba, basurako boltsaategaz urteten daben jentia.

- I.: Ez, baiña gero ya adin kontua be bai bada. Osea gu ya da fase bat superata daukazuna ta [txisterak] darena, alde bixetatik. Baiña on ikasliak dizenakin da gai... osea, gai landu biharrekua.

- A.: Identidade kontu bat da be bai.

- I.: Osea... bai, ez na... osea on gu nastaten gara, ez dakit zer dan, gauza natural bat. Osea, daon gai bat da, baiña ya txiste gai bat da. Baiña nire nebiak ondik hori bixi ein dau. Osea, bixi ein dau: ni nire kuadrilli da ikastolaku ta ez hurbildu eskolakuagaz, bestela kanta-paperak aterako nabez. Osea, dao... bai. Eta eremua: ni ez noia Gaztegunera, ze hor eskolakuk dao, nire tokixa hau da... Bai, osea, hori badao, ta oso gordiña da, baiña... Ta gero ya adin batetik aurrera txisti da ta konsziente zara ze tontokeri dan, ez daukola zentzurik eta hasten zara... Guk, adibidez, kuadrillan erdixak eta erdixak gaoz, osea, gu nastata gaoz.

12. Txisteak euskaraz kontatzeko joera

- **Erref:** LEK-076/022
- **Iraupena:** 0:03:10. **Hasi:** 01:03:48. **Bukatu:** 01:06:58

- **Multimedia:** bideoa online ikusgai

Gaia(k):

- Euskara » Euskalkia, herri hizkerak, euskara batua
- Ohiturak eta bizimodua » Kontakizunak eta sinesmenak » Esaerak
- Euskara » Lexikoa

Laburpena:

Txisteak euskaraz kontatzeko joera dute Anderrek eta Iratik. Euren lagunartean ere joera bera nagusitzen da. Irainak eta hitz larriak, aldiz, gazteleraz irteten zaizkie, gehienetan. Hala ere, ba omen dira lekeitiar gazteak irainak eta esalmoldeak euskaraz esateko joera handiagoa dutenak. Anderrek eta Iratik adibide batzuk jartzen dituzte: zingan juan, kardaia, eta nola ez, "txo!".

13. "Euskeriak ez dako iraiñik"

- **Erref:** LEK-076/023
- **Iraupena:** 0:01:37. **Hasi:** 01:06:58. **Bukatu:** 01:08:35
- **Multimedia:** bideoa online ikusgai

Gaia(k):

- Euskara » Euskalkia, herri hizkerak, euskara batua
- Ohiturak eta bizimodua » Kontakizunak eta sinesmenak » Anekdotak, kontakizunak

Laburpena:

"Euskeriak ez dako iraiñik" ideari tiraka irakasle batek erantzundakoa. Lekeitioko Ikastolan euskara batua nagusi izan dela kontatzen dute. Herriko eskolan, aldiz, gehiago eutsi diote bertako herri hizkerari.

14. Lekeitio herri arrantzalea

- **Erref:** LEK-076/025
- **Iraupena:** 0:04:29. **Hasi:** 01:09:04. **Bukatu:** 01:13:33
- **Multimedia:** bideoa online ikusgai

Gaia(k):

- Familia eta harremanak » Herriko giroa » Herriaren nortasuna
- Euskara » Lexikoa

Laburpena:

Ander eta Iratik diote Lekeitio nekez kontsidera daitekeela egun herri arrantzale. Izandakoaren arrastorik bada oraindik; gutxi samar, ordea. Arrantzontzi handi bakarra, eta "lebazaliak".

15. Ederra txitxarrua!

- **Erref:** LEK-076/027
- **Iraupena:** 0:01:15. **Hasi:** 01:13:50. **Bukatu:** 01:15:05
- **Multimedia:** bideoa online ikusgai

Gaia(k):

- Ohiturak eta bizimodua » Kontakizunak eta sinesmenak » Esaerak
- Euskara » Euskalkia, herri hizkerak, euskara batua

- Familia eta harremanak » Herriko giroa » Herriaren nortasuna

Laburpena:

Itsasoari lotutako hitz, espresio eta esamoldeak.

16. "Ligoteo sanoa"

- **Erref:** LEK-076/029
- **Iraupena:** 0:04:25. **Hasi:** 01:15:23. **Bukatu:** 01:19:48
- **Multimedia:** bideoa online ikusgai

Gaia(k):

- Familia eta harremanak » Herriko giroa » Herriaren nortasuna
- Familia eta harremanak » Bikote kontuak

Laburpena:

Ligatze kontuez mintzo dira Ander eta Irati. Lekeitio ez omen da berezia ligatze kontuetan, Euskal Herriko beste edozein tokirekin alderatuz gero. Baina herri txikia da, eta parrandaren luzapena izan ohi da biharamuneko txutxumutxua.

17. Lekeitiarra beti lekeitiar I

- **Erref:** LEK-076/031
- **Iraupena:** 0:01:19. **Hasi:** 01:20:20. **Bukatu:** 01:21:39
- **Multimedia:** bideoa online ikusgai

Gaia(k):

- Euskara » Euskalkia, herri hizkerak, euskara batua
- Familia eta harremanak » Herriko giroa » Herriaren nortasuna

Laburpena:

Lekeitiar gazteen artean ez omen da ohitura handirik hizkera aldatzeko edo batura jotzeko, behin herritik kanpora irtenda.

18. Lekeitiarra beti lekeitiar I

- **Erref:** LEK-076/033
- **Iraupena:** 0:01:25. **Hasi:** 01:22:35. **Bukatu:** 01:24:00
- **Multimedia:** bideoa online ikusgai

Gaia(k):

- Euskara » Euskalkia, herri hizkerak, euskara batua
- Familia eta harremanak » Herriko giroa » Herriaren nortasuna

Laburpena:

Lekeitiar gazteen artean ez omen da ohitura handirik hizkera aldatzeko edo batura jotzeko, behin herritik kanpora irtenda.

19. Bertako hizkerari eutsi

- **Erref:** LEK-076/034
- **Iraupena:** 0:04:00. **Hasi:** 01:24:00. **Bukatu:** 01:28:00
- **Multimedia:** bideoa online ikusgai

Gaia(k):

- Euskara » Euskalkia, herri hizkerak, euskara batua
- Familia eta harremanak » Herriko giroa » Herriaren nortasuna
- Euskara » Lexikoa

Laburpena:

Kanpotik Lekeitiora bizitzera datorren jendeari bertako hizkera egitearen aldeko dira Irati eta Ander. Hala ere, eta kasuan-kasuan, batuari ez diote inolaz ere aterik ixten. Anderrek "hitza" egunkariaren adibidea jartzen du, batuaren aldeko kontu positibo modura. Iratik, ordea, kontrapuntua jartzen du, umorez, txikitan amonarekin izaten zituen elkar ulertu ezinak gogora ekarrita.

20. Aita herriko medikua

- **Erref:** LEK-078/001
- **Iraupena:** 0:01:06. **Hasi:** 00:00:00. **Bukatu:** 00:01:06
- **Multimedia:** bideoa online ikusgai

Gaia(k):

- Ohiturak eta bizimodua » Osasuna » Medikuak eta sasimedikuak
- Familia eta harremanak » Lagunartea eta familia

Laburpena:

Aita herriko medikua du Anderrek, etxez-etxe ibiltzen den horietarikoa. Medikua izateaz gain, psikologoa ere izan daitekeena; pertsona hurbila dela diosku Anderrek.

21. Euskara talde berria Lekeition

- **Erref:** LEK-078/002
- **Iraupena:** 0:02:13. **Hasi:** 00:01:06. **Bukatu:** 00:03:19
- **Multimedia:** bideoa online ikusgai

Gaia(k):

- Euskara » Euskalduntzea eta alfabetatzea
- Euskara » Euskararen egoera

Laburpena:

Lekeitioko euskara egoerari aurre egiteko euskara talde berri bat osatu zuten Udalaren eta herritarren artean. Lau arlo ezberdin jorratzen dituzten taldeak sortuz: eskola eremuak; komertzioak eta hizkuntz-paisaia; kontzientzia kanpainak landu dituzte bai eta Lekeitioko esaerak eta berbak berreskuratzen saiatu ere.

22. Pilotazale eta pilota entrenatzaile

- **Erref:** LEK-078/003
- **Iraupena:** 0:01:10. **Hasi:** 00:03:19. **Bukatu:** 00:04:29
- **Multimedia:** bideoa online ikusgai

Gaia(k):

- Aisia » Kirola
- Aisia » Kirola » Pilota

Laburpena:

Ander pilotazalea da betidanik, txikitatik jokatu izan du pilotan bai eta entrenatzaile gisa ibili ere. Haurrak euskaraz entrenatzea eta euskaraz irakastea oso garrantzitsua izan da berarentzat, eta esperientzia bikaina izan dela dio.

23. Aisialdiaren eboluzioa teknologiarik esker

- **Erref:** LEK-078/005
- **Iraupena:** 0:02:20. **Hasi:** 00:05:03. **Bukatu:** 00:07:23
- **Multimedia:** bideoa online ikusgai

Gaia(k):

- Aisia

Laburpena:

Aisialdiari dagokionez aldaketa edo eboluzio bat gauzatu dela dio Anderrek. Batez ere, teknologien erabilerari dagokionez; horregatik, aldaketa horri aurre egiteko formazio bat egon beharko lukeela uste du.

24. Teknologiaren aurrean hartu beharreko erabakiak

- **Erref:** LEK-078/006
- **Iraupena:** 0:01:38. **Hasi:** 00:07:23. **Bukatu:** 00:09:01
- **Multimedia:** bideoa online ikusgai

Gaia(k):

- Herria, azpiegitura » Berrikuntzak » Teknologia berriak eta sare sozialak
- Ohiturak eta bizimodua » Hezkuntza

Laburpena:

Teknologiaren erabilerari aurre egiteko eta berau ezagutzeko, lehenik eta behin pentsaera berri beharko genukeela diosku Anderrek bai eta formakuntza jaso beharko genukeela ere. Teknologiaren egokitzapena erraza ez dela uste baitu.

Ahotsak.eus-eko edukiarekin sortutako dokumentu automatikoa.

2026-08-04

CC-by-sa | Ahotsak.eus

Badihardugu Euskara Elkarte

Markeskua Jauregia, 20600 Eibar

943121775 - ahotsak@ahotsak.com